

◎清華風物賦

清韻三十六。華韻五。省韻二十一。賦韻六。

夫自混茫初闢。區域已成。百越非禹貢九州。界在天南嶺表。九真是文郎一部。地鄰海澨林垆。山河截在天書。與交趾並稱甌貉。牛女同其分野。曰都龐一號永明。象郡經秦漢合分。所屬縣非止居封。晉浦愛州。歷梁唐改置。其爲縣類如安順崇寧。帳籍定於陳朝。清化爲路府。爲西都。西都是閩胡之竊據。疆界詳於黎世。清華曰承宣曰內鎮。內鎮非僞莫之兼併。請以其地言之。玉山染翠。錦水凝清。梁醴遶藍山而毓秀。馬沱沿梨嶺以鐘英。左二支右二支。古來屢見帝王興。眞爲大地。龍七片虎七片。世謂一呼天下遍。亦是佳城。沛庄山律。菊十嘉苗。聯絡羣峯。鵠立上伴水流。通于大汛。蜿蜒幾曲。蛇行三疊。上仰觀沓靄。一壑中俯瞰瓏玲。出海雙牛。預定回鄉底局。障流隻箸。奚煩壓浪餘靈。綠雲洞景。由人勝。玄暹洲鳥爲誰鳴。徐子碧桃。潁城辦渺茫之仙跡。壺公白石。惇皇留洒落之神情。龍光詩鐫在岩腰。虛室之閒雲生色。仙洲字書于石嘴。碧洋之遠島開晴。潮吸石而浴河之象見。山吐泉而戲水之龜呈。鵬程山九品金臺。尼誦南無之偈。龍領渡兩邊石澗。漁歌款乃之聲。空路一筓。天關屹立。盤阿十景。墨客題銘。山隈二水似龍蟠。姜宰相誕生之地。石磴一堆如象伏。鄭狀元遊息之亭。珠峯之一筆侵雲。弘化土歷朝登第。潮汛之雙龍到海。有慶門累世鳴名。略舉山川景致。足知人物情形。那山樵話若無胡。陸地而仙翁可挹。銅鼓山靈知有李。主盟之神爵亦榮。冰山都統奇功。刀一擲生前滿願。河浪將軍正氣。山三號死後添馨。男多磊磊。女亦錚錚。象頭三尺乳抗吳。趙嫗之雄風。

凜烈城下數千兵拒漢。楊公之義氣鏗轟。萬言書有意於存陳。堪羨丈夫志氣。十四策不忘於規舜。多資此日治平。蒲皇直斥季聲。勁氣昂昂之用甫。龍耳不污僞莫。丹心耿耿之龜齡。水注使臣燕闕。此來知自負。雲齋唱子。龍崗一挽使人驚。阮中書詩集刻行。世號菊坡明府。劉榜眼騷壇預列。世推翰苑上卿。謙亨之少微詩。一生快筆。文休之大越史。千古定評。梁韶阮鄭之神童。名揚場屋。黎范武黃之良將。血食廟庭。奕葉榮光。杜黎雙木英華呈露。奎璧兩星。弟襄兄善。一科同上。谷之春生玉笋。父傲子侂。三事並香溪之秀出瓊瑛。諒江韶寸得軍心。三語喧騰於遠戍。參從儒冠居政府。百歌普播於神京。他如汴島之潭。洗珠瑩潔。銳山之石。製器堅精。鐵木滿林。阜堪作棟樑之器。花鹽盈海外。足調梅鼎之羹。桂肉桐油。山溪所產。燕窩龍骨。天地所生。

則知地靈人傑。天寶物華。語形勝阻深爲最。論士風倜儻尤多。考自漢至隋。尹斯士如。任延李善夏方。祝良詹萌。十黼灌。遂李遜董元。吳願慧度。弘文與相。唐之楮遂良。教訓撫巡。曾染華風而紹化。又自李至陳。官其地。若范信。阮炎。元善良。改楊掌守度。劉免黎居忠。彥廷琛。羅修春。雷與仕明之。梁汝笏。綏懷輯定。可躋疆域於靜嘉。莒隆但乃古弘。已皆賣劍。田忌阮清同墨。無復稱戈。汴梁之地。昭儀之陵。洩盡數百年貴氣。沛山之英。宋山之秀。鐘回前八代王家。

我世祖高皇帝。聖德中興。武功大定。國稱南越。山河中外。總開顏。都建富春。城鎮蠻荒。皆稟命。車書一統。恢拓窮越。甸之輿圖。南北兩圻。申畫壯帝城之藩屏。肇祥奠巍峨山廟。松楸蒼翠一天。先世遺

豐厚祿田。黍稷青黃千頃。長陵葱鬱。旺氣所鐘。原廟烝嘗。孝孫有慶。宋山稱湯沐。皇恩四伴榮。東山起鶴城。天塹一方鎮。崇鴻受此丕基。聰睿仰今上聖。敷布廣昌明之文治。臣庶共效尊親。參贊弘化育之神功。疆理尤加振整。十五利之事宜。條款議行。再酌于朝。十三鎮之土地。人民旨準。量分爲省。清化之爲省也。東臨大海之津。西接羣蠻之境。南夾又安兮冷水半溪。北夾寧平兮疊山中嶺。寬廣地山環水繞。占饒壽鶴之長秋。土石城湯。襲金重。低却密山之殘景。城臺高掛旗竿。水寨列陳舟艇。東峯下焜煌文廟。百官傾蓋步趨。南門前講肄學堂。多士環門觀聽。馳遞有郵驛馬。五站通南北之程。率耕有籍田牛。九推重農桑之政。在戍者衛六奇三兵四千餘。員弁一百二十六。精銳爲重。闔之干城。所領則州三府五縣十有九。社坊一千七百餘。闢聚宛舊時之廬井。田數四十八萬一千七百三十二畝。租稅無積欠於催科。丁口五萬一千七百六十五人。庸役亦咸遵於定令。屬轄關津。有七。商旅通水陸路。程沿邊州縣各三。管牧仁盆牢子姓。潔防之七汛嚴詳。儲積之五倉充盛。文武隨用。督撫臣權統兵戎。藩臬分司。布按使治兼寬猛。仁征義戰。雷揚殷武之威。盜弭民安。農貢豐年之詠。

士聞同轄頌曰。於維我皇。多方誕受。迺理迺疆。有人有土。基本益隆。版章自厚。符瑞原已。至兮無疆。惟休。治安定可致兮。亦孔之固。享永祿兮。是總是迺。介壽春兮。而臧而富。士也。忝生文獻國。幸在帝王州。請獻清華省賦。

野史 [續三]

野史

三十

辰慈廉羅寧社人都力士鐵山伯陳真率勇士與子弟鄉兵五十萬人起兵於黃華市帝自西都城率三府義師命惟慳由天關應天弘裕由天長蒞仁而進平富侯阮文慮永興軍侯鄭綏領水步兵進直至東京二十三日鄭熹黎翼繼進圍大興門高率徒上大興門樓麾旗藏砲以禦官軍小頃見剃髮三叢兵剃頭上留三叢如小兒頭橫樣俗號賊三編自夢橋進入瑞光宮鄭熹稍却將退紅梅洞遇弘裕軍再進入辰惟慳軍四面圍城逆徒大敗再遇山西逆徒何公直率眾逼城欲誅高與帝爭立惟慳力戰公直敗死高開城走天德江竄于諒源二十四日帝駐清潭社名二十五日良文侯阮辰雍文江縣多牛社進士與杜岳文江縣屋黃甲等迎帝上京二十七日復位以是年為光緒元年辰光緒與二弟在西都後為文郡公鄭惟岱所殺獲陳高黨潘乙於東潮縣檻送京師斬於河東坊命惟慳弘裕討陳高於至靈鄒山崇儼寺進至至靈分道進戰惟及阮尚皆為高所獲至萬劫行館斬之帝命陳真進討大破之高遂竄于諒源不復出以月德江為界高傳其子昇僭號宣和後高削髮為僧逃匿得免今保○安樂周源等村猶有祠在意高死於此焉

昭宗神皇帝

諱椅又諱聖宗曾孫建王鑣之孫錦江王深之長子母端穆皇后鄭氏懿襄翼帝無嗣大臣昭義惟迎立之後歸西都率義兵逐陳高而即位改元光紹七年而幸外登庸立弟椿即位降為沱江王統元五年為登庸所弑壽二十六葬永興陵

光紹二年春追尊建王為德宗建皇帝父莊定王為明宗哲皇帝夏四月天施縣仁武鄉効力前衛軍人瞿克昌於洪順六年稱曰駙馬降身未幾稱假天武是年正月出居本社寺號曰浮涇乞飯九

包食盡取包葉燒化為藥助良民無子媳者需索鷄酒救助即効事聞于朝以其惑民捕送京杖殺之弘裕鄭綬俱討賊回京聽子弟反間遂成嫌隙弘裕屯兵河東坊綬屯兵大羅城外相守上以廉藹賈寇之事諭之不解至是阮慮鄭岱奏請講和二人文慮出袖中密詔奏言鄭綬惟岱以阮漬子阮松立僞主作大逆於是捕惟岱及右都督黎益齡皆斬之是日弘裕舉兵擊綬於京城永昌回浦復古等坊綬走入清華陳真以弘裕逐鄭綬乃舉兵攻弘裕

惟愼與鄭綬同族
愼長陳真為親子
嘉福縣志
社人里人

登庸奏言公務妄行妖怪誑惑

南陳真有書勸截登庸不忍弘裕得免殺假天蓬陳公務愚民故殺之先是黎廣度降于陳暠至是鎮將何飛鞬阮魯等俘獲送京殺之

是歲天下大饑餓殍相枕海陽東潮峽山京北安峯仙遊東岸頻經兵火處處尤甚時主少國危諸將自相雄長互生嫌疑陳真既逐弘裕仍鎮守京師帝遣新降將阮公度與登庸追裕入淳佑

諱改為

淳佑官軍掘弘裕父文郎塚斬其頭弘裕再會軍與官軍相拒因以書與詩遺登庸擁兵不戰弘裕走還陳真既逐弘裕權在掌握登庸亦憚之乃為其子登瀛娶真女時有好事人為之語曰陳有一人為天下君貓頭虎尾濟世安民國舅褚啓與鄭佑吳柄謀曰陳有一人即陳真貓頭虎尾寅之末卯

之首也恐於是年有變勸帝早除之辰鄭綬復入知金光殿贊成其謀朝退帝召真與弟子陳智俱入禁中斬之真弟子黃惟岳阮敬阮盜等共聚于安朗寺起兵犯京城帝夜幸嘉林菩提避之就覃

舉家至哺未飯民間以其芋餅進於是山西之兵肆為暴掠城中虛空

帝因召弘裕擊阮敬等弘裕猶豫不果行命恭儉侯何文正檜溪伯黎大行即召登庸于海陽時登

帝因召弘裕擊阮敬等弘裕猶豫不果行命恭儉侯何文正檜溪伯黎大行即召登庸于海陽時登

帝因召弘裕擊阮敬等弘裕猶豫不果行命恭儉侯何文正檜溪伯黎大行即召登庸于海陽時登

帝因召弘裕擊阮敬等弘裕猶豫不果行命恭儉侯何文正檜溪伯黎大行即召登庸于海陽時登

後恭皇帝悟真之忠元統二年
贈郡爵封其子陳寔為弘休伯

肅至謁。擁水軍於珥河。以畜懿堂稍遠。請再移幸。善提御純美堂。得便扈從。與使人諭真子弟。阮盜等皆曰。鐵山之死。由褚啓。鄭侑。吳柄之譖。若殺此三人。則君臣如故。無有異圖。帝聽。覃舉之計。遂殺啓等。而阮盜等益肆暴橫。擁兵不解。登庸以帝就純美堂。水軍稍近真子弟地方。請還于寶州。御史杜岳阮豫皆爭之。

杜岳文江。相屋人。黃甲。避襄翼帝。稱仁海洞主。改名岳美山先生。

登庸使其黨丁蒙執岳豫。就春社行營北門外桑田。殺之。

時山圍人武睿見帝及弟椿奔播于外。岳等諫死。天下饑饉。士卒乏糧。帝不居昇龍而還寶州。因有

詩云。旖旎旌旗掛夕陽。兩宮泛泛駕飛鯨。函犀戰士淹江上。服豸忠臣死道旁。萬里勸菁林有盜。三

軍將穗橐無糧。昇龍自古與王地。何不雌雄決一場。武睿山圍縣程舍社人。初睿公未第時。有祖墳

北客爲之扞墓。課云。生居人首。死居人首。洪德庚子科中進士。及對策。聖宗覽其文。嘆曰。他日國家

有事。則此人當之。賜狀元及第。歷仕尚書少保。爵程溪侯。及登庸篡位。公掛冠歸。登庸使人召公。以

好言慰之。公唾其面曰。汝篡國罪人。更欲賺我。我生爲黎臣。死爲黎鬼。後黎氏復興。死節之臣。凡十

二人。公居其首。丁蒙既遷。帝寶州永興伯。鄭綴文臣阮師。安福縣人。與山西將共立靖修公祿之子榜

爲帝。帝王克昌之曾孫。改元大德。得半年。又廢之。而立黎愨。晉裕母弟。改元天憲。乃榜同。作行殿於慈廉縣。由芽社分

置宮屬。文武進朝。帝在寶州。有程志森。避壽昌縣。回浦江人。阮時雍扈從。使人諭弘裕。弘裕乃率清

華兵來赴難。帝乃命弘裕與登庸分道擊阮盜。阮敬于山西。弘裕大敗。帝在菩提行營。鄭綴作浮橋

進兵挑戰。帝遣大將破之。斷浮橋。斬賊將楊枚伯。終與黎愨退歸安樂。安朗地分。帝命登庸圍黎愨

於慈廉。因決水灌愨軍。愨與阮師等走至寧山。今安山。官軍獲之。載歸。以狗有詩云。本欲與周救萬民。

誰知天意不隨人。烏江水濶難東渡。赤壁風高易北焚。雲暗寧山龍去遠。月明福地鶴來頻。英雄成敗古來有。但恨生平志未伸。

辛巳六年。封登庸為仁國公。節制十三道水步諸營。帝幸瓊雲殿。慰勞登庸及將士。往京北諒源地方。搜捕陳昇。得昇妻與女。誅之。昇走入七原州。一云昇已入明國。後檻送京師。登庸威權日重。衆心歸向。以假女侍帝。

名雖進奉。寔則同守。又以長子登瀛為毓美侯。掌金華殿。登庸步行則鳳蓋銷金。水行則龍舟引纜。出入宮禁。無所忌憚。擅殺署衛阮構。都力士明山。伯阮壽及覃舉等。帝陰與范獻范怒等。令人賚密詔於西京。使鄭綏迎援。二十七夜二更。獻怒等入侍晏。奉帝幸山西明義縣夢山。皇太后與弟椿不預知。明日登庸知之。使黃維岳等以兵馬追帝。及於石室。帝以石室兵拒之。生獲維岳。是日登庸入京。乃與黎輔弼。范嘉謨共謀立帝弟椿即位。改元統元。因奉椿幸海陽嘉祿縣福延社。檢廟。又幸洪市。遂作行殿于縣中。十一日。光紹帝自夢山行營發還京師。先是帝召阮克綏。克綏見帝外幸不肯就。有傲色。至是入見。命力士斬之。十六日。御瑞光行殿臨朝。使中使召鄭綏於清華。往返凡三四輩。綏見帝不聽諸將信用羣小。稽遲不赴。登庸分水步諸營犯東河各處。光紹帝命賴叔懋阮餘歡阮定潭克讓等列營相持。為登庸所殺。餘歡等兵稍却。與賢等四人擁盾持鎗由復古坊直入瑞光殿。時光紹帝當視朝。總知鄭思奏曰。兵已逼矣。帝乃避出駐仁陸舊亭。民間爭以米粥進。九月二十日。再引兵還京師。駐于京師之西。慈廉縣上安決社。作行殿以視朝。十月初四日。鄭綏將清華與各處將士萬餘人來護駕。綏屬將阮伯紀入侍。范由恐其爭權。因奏斬之。綏因是忿。始有異志。十八日。鄭綏鄭維

野史

俊等陽言於驛望社立營鎮守。明日侵晨率衆大噪而入。光紹帝倉卒不能制。遂因脅駕回清華。由是天下失望。十二月十八日。統元帝自洪市行殿進還京。就菩提行在朝百官。

恭皇帝

諱禧又諱廐。聖宗曾孫。建王嶺之孫。錦江王深之子。明宗同母弟。以瑞慶三年。七月。二十六日。生光紹。七年。明宗出外。登庸因立爲帝。在位五年。登庸篡位。廢爲恭王。尋與太后爲所弑。葬華陽陵。壽二十一。後追諡恭皇帝。

癸未統元二年。登庸使其黨山東侯莫榘瓊溪侯武護陽川侯武如桂等擊鄭絃于清華大破之。絃

因遷光紹帝于源頭。封阮時雍爲良文侯。時雍有二女。一進統元帝。一進登庸。後封爲通郡公。登庸

廢光紹帝爲沱陽王。進封登庸平章軍國重事。太傅仁國公。登庸擊鄭絃于清華源頭。接得光紹帝

於清都府良政州翠舉册高山安仁洞。光紹帝回到東河。帝幸西京。光紹帝預焉。登庸殺進郡公阮

領。領娶登庸妹蕙。蕙僖穆慶懿公主。又娶妾十人。蕙因訴領樹黨書。遂殺之。以蕙歸于良溪侯裴渚。辰尙書阮

詮本娶領女。及領見殺。亦出其女。登庸令沛溪侯范金榜弑光紹帝于降所。因以梓宮回葬于清潭

之永興陵。辰瑞原縣高峙册人皇太后范氏玉瓊有娠。見帝被弑。逃居錦水縣古隴册。生皇子寧。

進封登庸爲安興王。登庸自古齋入京。逼帝禪位。辰百官班定。未有禪詔。令吏部尙書張孚說草之。

孚說張目叱之曰。此何義也。乃復令東閣大學士阮文泰。泰遂秉筆作之。是日登庸爲皇帝。入昇龍

城居正殿。改元明德。降封帝爲恭王。與皇后鄭氏玉鸞幽于西內宮數月。逼令自盡。太后祝之曰。彼

爲人臣。萌心篡位。復殺吾母子。他日爾之子孫亦猶是也。遂與恭帝俱列。登庸遷尸暴露于北使館

歸葬于御天之花陽陵。

御天縣美也。社有承休殿是也。

黎舊臣清華右衛殿前將軍安清侯阮淦宋山沛庄人。一云弘裕之子。率子弟奔哀牢。國主乍斗以為唇齒之邦。給以

岑州人民及土地歸之。由是畜士卒。招亡納叛。陰求黎氏子孫。得明宗之子寧。尊立為帝。紀元元和。

是為莊宗。共圖興復。帝拜阮淦為太師與國公。右黎自太祖至恭帝。共十帝。得一百五年。為莫所僭。

莊宗裕皇帝。諱寧。明宗之子。母瑞原縣高時册人。慶嘉皇太后范氏玉瓊入侍明尊辰。登庸篡位。后方妊三月。逃回錦水古隴而生帝。及

癸巳元和元年。莫丁酉五年。初安定縣香予社人黎丕承出身。舍人事登庸。委之統管瑞原安定永福東山

錦水石城廣昌七縣。與忠厚侯相為控制。至大正年間。昭勳公阮淦與阮惟俊迎立莊宗為帝。于哀

牢翠鞞册。丕承起兵。殺掠三司。收兵入哀牢。歸順朝廷。帝仍授以舊職。辛丑九年。丕承有不平之志。常

發怨言。日益驕弄。阮淦使人扼殺之。莫封其子敬典等為王。餘皆以次受封。

帝封大將軍鄭檢為翼郡公。永福縣梨山人。鄭公能為宣郡公。賴世榮為和郡公。領本部兵進戰各處。

庚子八年。莫大正十一年。春正月十五日。登瀛死。長子福海立。以明年為廣和元年。冬十一月。登庸與其姪

文明及臣阮如桂阮經濟等。過鎮南關。各持尺組繫頸。詣明幕府。徒跣匍伏。稽首跪上降表。盡籍國

中土地軍民官職。悉聽處分。納安廣永安州浙浮金勒古森個葛安良羅浮諸洞。願內屬歸欽州。

辛丑九年。莫廣和元年。八月二十二日。登庸死。

壬寅十年。莫廣和二年。帝以古隴册人瑞郡公何壽祥為御營提統。御駕以圖進取。命與國公阮淦

統督諸營將士。先發進攻清父等鎮。二處諸舊臣及豪傑多歸之。軍聲益銳。帝進兵出自西都城。時

阮淦猶在哀牢。未從行。使宣郡公鄭公能捧詔召之。公刻日就道。拜謁于義路江行在。帝大喜。初忠

野記

附六

厚侯弘化人。出身閩豎事莫。官至掌部。聞帝起兵恢復境土。乃與莫人謀以計詐降。率子弟詣軍前拜見。帝于西都城南門將欲誤帝。事覺不果。因邀請太宰阮淦赴大營。陰置毒于瓜菓。進饌前。公信食之。中毒。及回心悶而卒。是夜忠厚侯復逃歸莫。帝詔贈淦為昭勳靖公。遣人扶歸宋山庄厚葬之。封其長子汪為朗郡公。次子漢為溪侯。使領軍討賊。宣郡公鄭公能發兵反據廣平源頭。帝命檢殺之。封翼郡公。檢為太師諒國公。

丙午十四年。莫廣和六年。五月八日。莫福海卒。長子福源立。以明年為永定元年。

丁未十五年。莫永定元年。莫將安陽縣人泗陽侯范子儀謀立莫宗子弘王中正為莫嗣。而諸宗王

大臣謀立福源。子儀以正中不得立。遂作亂。脅遷正中于御天華陽。莫謙王敬典與西郡公阮敬等

追捕之。為子儀所敗。後子儀累戰不克。乃挾中正據廣安。又竄入明地。虜掠廣西。明多被其害。明責

于莫曰。藩臣無禮。容縱劫人。侵掠大國。可與兵致討。以免邊釁。辰明欲起兵來莫。莫氏大恐。密使小卒

俘獲子儀。送赴京斬之。傳首于明。每過其地。常為瘟疫。人畜病瘴。因此明人遠之。中正奔入明國。竟

死于明。

戊申十六年。春正月二十九日。帝崩。子暄立。以明年為順平元年。莫改永定為景曆元年。

莫封范瓊青池盛烈人

為榮郡公。及其子瑤

為富川侯。

中宗武皇帝。諱暄。莊宗長子。其母雷陽水注貞淑皇太后黎氏玉琮所生。在位自乙酉至丙辰凡八年。壽二十八歲。附莫福源八年。

己酉順平元年。莫景曆二年。莫以東道將為紹國公。北道將莫延科為嘉國公。西道將阮敬為太尉西國公。

元凱康為太尉端國公。南道將黎伯驪為太宰奉國公。以范篤為廣國公。永福縣土山人。時莫福源聽范瓊父

子讒言。黎伯驪黎克慎文臣阮青與其子阮倦阮俛等。各率本部兵。夜遁入清華關。請降許之。因詣

闕拜謁。帝大喜。後英宗五年壬戌正治。茂治疑范瓊陰殺之。

壬子四年。莫景曆五年。鄭檢略定西南。莫將凱康率兵歸順。帝使仍其舊職。帝移立行在安場營。

甲寅六年。莫改景曆為光寶元年。莫使謙王敬典將兵寇清華。以壽郡公名領舟師百餘艘為先鋒。進駐神符海

口。敬典率軍會于大賴江。使壽郡公前進駐營金山。鄭檢令諸將先使人戒沿江兩岸。人民不得驚

動。又使中官雄國公丁公督諸降將伯驪凱康阮倩克慎等。伏于江之南。上自安山下至單安山。檢

自督大兵。伏于江北。上自白石山下至金山。復選人伏于金山之下。又使廣郡公范篤督諸降將阮

倦等將戰船十餘艘。據上流。自有執江。至金杯江。賊船過金山至翁龔市。戰船聞笙管舳歌之聲。如

入無人之境。忽聽單安山一聲砲起。沿江兩岸。砲聲連發七響。伏兵四起。奮勇爭先。賊兵拋戈倒甲

下水逃生。壽郡公自料不能脫。自投于水。潮郡公武師爍生獲之。及俘賊將大小數十員。敬典收殘

卒回京邑。大軍獻捷。悉斬賊將壽郡公等數十人于同祿山。

丙辰八年。莫光寶三年。春正月二十四日。帝崩。無嗣。鄭檢使人求黎氏子孫。得黎維邦於東山縣布衛鄉。立

之。以明年為元祐元年。

英宗俊皇帝。諱維邦。初太祖第二兄黎除。贈藍國公。封弘裕王。生三男。並隨太祖為開國功臣。長黎魁。封昭微王。次黎康

贈英國公。封顯公王。康生壽。封光業王。壽生紹。封莊簡王。紹生東樓伯維統。娶金鏤社人。生長子黎兼。次子黎華。第三子黎從。

野史

冊八

又娶東山縣布衛鄉。宣慈皇太后阮氏玉英 仁宗之母弟之女阮氏玉西。生第四子維邦。第五子維翰。即朗陵侯 封桂禮公。先

是黎統同居布衛妻。貫與子維邦進侍中。宗子福培行在。回至日景旅館。暴死。明日館主傭人埋。葬

夜雌雄出。俗云精落傭人倒死。帝驚怖。意欲夜去。館主曰。勿去。來早。帝馳回告哀。時阮曜之女氏艷已

妻于帝。宜慈皇太后之弟。生蟠溪侯。蟠溪侯生戀。戀生阮曜。曜娶參政蔡伯班之女生氏艷。及帝母壽終。曜見其孤貧失怙。仍將氏艷回別嫁與社長阮

文儒。氏艷雖為父離異。然猶念舊情。每見帝饑渴。常私給以衣食。自是帝移居藍山阮舍。帝常往上

流頭斫伐竹木。結筏載回。諸津次販賣生理。辰人莫知帝胃者。衣食日窘。負債頗多。諺有之曰。債似

維邦債。蓋以為嗤笑之辭也。及中宗崩無嗣。鄭檢未知所立。有遲疑意。詢之馮公克寬。終不能決。乃

使家人賚厚禮詣海陽訪程國公。公弗答。但顧家童曰。方今不稔。在於穀種不好。汝等可歸覓穀種

種之。又命出遊禪寺。使童洒掃焚香。蓋微示守佛喫繆之意。餘無所及。寬持告檢。檢與大臣謀曰。國

不可一日無君。因使人訪求黎氏子孫。盛美社人阮尙書。一夜夢見神人告曰。來日天子幸汝家。當

謹厚拜。明早公起候待。是日風雨大作。沉船發屋。路無人行。帝亦自源頭結一大筏。蔽江而下。盡被

風雨打破。漂沒無遺。帝徒手上岸。衣裳盡濕。至暮叩門借宿。公舉燭迎之。見赤身一條的黑漢。夫人

笑指之曰。咄咄終日候迎。此是我公之天子也。公延之坐。詰問其詳。乃陰養之。因言于檢。檢具儀

仗百官迎就福培行在。帝為帝。時氏艷娶社長儒已生一男。良才侯三女。長嫁挽甸社人。都督。次女嫁封玉花公。主嫁哀牢。主年斗。第三女嫁石劍進士。文儒見帝即位。懼罪遂逃。帝感舊時情義。與驗卜言。再召氏艷入宮。生皇子維縉。是為世宗。帝在位

自丁巳至壬申。凡十六年。附莫福源。自平。茂治十一年。為賊陰逼而崩。壽四十二歲。歸葬布衛淨舍。華嵩陵。曰天。未定。